

SOLICITÚ DE PROYECTU DE DISEÑO Y REALIZACIÓN DE CAMPUS DE BRANU 2026 EN LLABORAL CIUDÁ DE LA CULTURA

EL PROYECTU.

La Sociedad Pública de Xestión y Promoción Turística y Cultural del Principáu d'Asturies (n'adelantre, la SPXP) tien encomendada la xestión, ente otros equipamientos culturales de la rexón, de Llaboral Ciudá de la Cultura en Xixón, que tien ente los sos fines dar toa clas de servicios y actividaes culturales.

Llaboral promueve un programa cultural y d'ociu que tien la mira (ente otres) d'ufiertar actividaes de calidá al públicu infantil y familiar, averando a la población al mundu de les artes dende les edaes más tempranes. Por eso, preséntase esta solicitú de proyectu de Campus con un oxetivu doble: per una parte, ayudar a les families a conciliar en momentos vacacionales la so vida personal y llaboral al traviés d'esta actividá; y, per otra, ufiertar a lo más mozo actividaes didáctiques y lúdiques onde puedan disfrutar, aprender y rellacionase, nuna contorna segura.

Pa cumplir estos oxetivos faise esta solicitú de proyectos cola que se va escoyer la propuesta qu'algame meyor valoración, que va desenvolvese nel de branu del 2026.

1.- OXETU DE LA CONVOCATORIA.

L'oxetu d'esta convocatoria ye la escoyeta d'un proyectu de Campus de branu y la so realización posterior nes instalaciones de Llaboral Ciudá de la Cultura.

El **Campus de Branu** va desenvolvese a lo llargo d'ocho selmanes nel branu del 2026, nos meses de xunetu y agostu, sacante la Selmana Grande de Xixón (nesti casu la selmana del 10 al 14 d'agostu). Van diseñase delles sesiones temátiques con calter selmanal. Les xornaes han ufiertase nestos términos:

- El Campus va destinase a neños/neñes de 3* a 12 años, separaos por edaes nos tramos 3 a 5 años / 6 a 12 años.

Pa participar nel Campus, los neños/es de 3 años han tar yá escolarizaos.

- Ha facese en formatu selmanal (de llunes a vienres) nestes selmanes:
 - 30 de xunu a 3 xunetu del 2026 (*al celebrase'l llunes 29 el festivu local de San Pedro, esta selmana va ser de 4 díes*)
 - 6 a 10 xunetu del 2026
 - 13 a 17 xunetu del 2026
 - 20 a 24 xunetu del 2026
 - 27 a 31 de xunetu del 2026
 - 3 a 7 agostu del 2026
 - 17 a 21 agostu del 2026
 - 24 a 28 agostu del 2026

- Hai qu'ufiertar como mínimu opción de **media xornada** (de 9:00 a 14:00 hores) o **xornada completa** (ha especificase la propuesta d'horariu ampliáu, que, como máximu, ha allargase hasta les 17:00 h).
- L'axudicatariu tamién va poder ofrecer, si asina lo considera, opción de **media xornada + comida** (con salida a les 15:00 hores).
- Tocante a la comida de los/es participantes (nel casu de la xornada completa), esta xestión va correr a cargu de la empresa axudicataria, quien va poder proponer:
 - **comies nes instalaciones del Café de la Llaboral.** La empresa axudicataria del campamentu ha acordar colos responsables de *Patioh Laboral* les condiciones del serviciu, pa lo que pue contactar directamente pa tratar con ellos estos detalles al traviés del corréu administracion@patiohlaboral.es o del teléfonu 610 778 560 (contactu: Bruno).
 - **otra opción de serviciu que se considere oportuna.**

Independientemente de la modalidá que s'escueya, los/les monitores han tar presentes nos tiempos de comida supervisando a los participantes, teniendo un cuidáu especial coles alerxes/intolerancias comunicaes y informando de cualquier incidencia que se puidiere dar.

Va valorase positivamente la **opción de madrugadores** (entrada anticipada primero de les 9:00 hores).

El resultáu económicu de l'actividá va ser pa la empresa axudicataria del proyectu, nun interviniendo la SPXP nesti sentíu.

La Sociedá va encargase de la xestión de la venta d'entraes al traviés de les sos propies canales, puntos de venta y sistemes de *ticketing*, reintegrando más tarde al axudicatariu del Campus los ingresos obteníos y custodiando polo tanto l'importe de la recaudación hasta qu'acaben los eventos. Va tresferise a la empresa axudicataria la parte de la recaudación correspondiente al importe total de les ventes per toles canales, desde se descuenten les comisiones de venta de cada canal y cualquier otra tasa o impuestu aplicable llegalmente, a mes vencíu nel casu del Campus de Branu y a la fin del campamentu nel casu del Campus de Navidá, nun plazu máximu de 30 díes naturales de magar acabe l'actividá.

La liquidación pola venta d'entraes n'efectivo pagada nes Taquilles de la Sociedá va incluyise como un mediu de pagu más na recaudación final a la que se-y va facer entrega al axudicatariu del Campus.

Les comisiones p'aplicar sobre la venta d'entraes va asumiles la empresa o persona axudicataria del Campus, son independientes de la canal de compra y suponen un porcentaxe del 1,5 % sobre la recaudación bruta total, a la que namás se-y va escluyir l'IVA pa estrayer esi porcentaxe, qu'al empar va vese incrementáu colos impuestos que seyan d'aplicación na factura resultante.

La Sociedá nun va repercutir al públicu comprador de les entradas nengún cargu o sobrecostu en conceptu de gastos de xestión, independientemente de la canal pela que se fixere la compra.

Llaboral Ciudá de la Cultura, pela so parte, proporciona:

- Instalaciones pal desenvolvimientu de les actividaes col montaxe y medios técnicos precisaos pa elles
- Promoción y difusión del Campus
- Serviciu d'información y venta d'entraes
- Canales de venta y sistema de *ticketing*

Con esta convocatoria establécense les bases y requisitos que van rexila, amás del procedimientu pa la escoyeta del proyectu en rellación colos principios de publicidá, concurrencia llibre y oxetividá.

2.- PUBLICACIÓN Y PUBLICIDÁ.

Esta convocatoria y bases, amás de la resolución del procedimientu, van publicase na páxina web de Llaboral Ciudá de la Cultura: www.laboralciudadde lacultura.com, ensin perxuiciu de los medios complementarios de difusión que la SPXP quiera usar.

3.- SOLICITANTES.

Van poder participar nesta convocatoria les persones físiques o xurídiques que desenvuelvan la so actividá principal nel ámbitu de la investigación o programación d'actividaes culturales, didáctiques, educatives y artístiques.

Los y les monitores que desenvuelvan l'actividá y tean en contactu colos grupos infantiles han presentar el Certificáu de Delitos de Naturaleza Sexual primero d'empezar el Campus.

4.- CARACTERÍSTIQUES DE LOS PROYECTOS PA PARTICIPAR NESTA CONVOCATORIA.

Les característiques qu'han cumplir y especificar les propuestes son estes:

Campus de Branu

- Descripción del programa d'actividaes y horarios. El desenvolvimientu de les sesiones ha incluyir tiempos d'actividá y de recreu, estos últimos siempre supervisaos poles/os monitores.

- El desenvolvimientu temáticu de cada selmana va ser esti: Préséntense cuatro temátiques selmanales diferentes que se van repetir pa cubrir el total de les ocho selmanes (temática 1, temática 2, temática 3, temática 4, y otra vez temática 1...) con actividaes variaes rellacionaes sobre manera coles artes plástiques y escéniques y alreduro de la programación habitual que tien acoyida en Llaboral Ciudá de la Cultura. Cada selmana temática ha tener un nome/títulu que la identifique.

*Ha describise l'adaptación de les actividaes na selmana del 30 de xunu al 3 de xunetu, al cuntar con un día menos.

- Van poder incluyise dientro del cuadrante d'actividaes, si la empresa lo considera, visites guíaes a **Llaboral Ciudad de la Cultura**, ensin qu'esto suponga un costu añadiu pal axudicatariu (Llaboral va poner la guía).
- Tamién van poder incluyise visites al **Xardín Botánicu Atlánticu, RTPA o a LLABoral Centru d'arte** por ser un equipamientu d'interés que ta na contorna de Llaboral, ensin qu'esto suponga un costu adicional a la empresa axudicataria. La xestión d'estes visites correría a cargu de la Llaboral de manera coordinada cola empresa axudicataria, dependiendo'l que s'incluyan definitivamente de la disponibilidad de los centros mentaos.
- Nel desenvolvimientu del Campus tamién se busca que tengan un pesu específicu actividaes y/o procesos de trabayu con aplicación en **materia sostenible** cola mira de concienciar y sensibilizar a los participantes dende edaes tempranes en valores como'l respetu, el caltenimientu y la puesta en valor de los recursos culturales. Nel programa del Campus pídense la integración d'actividaes sostenibles en materia social, ambiental y cultural.
- Han priorizase les actividaes al aire llibre nos espacios exteriores de la Llaboral, siempre que dexe'l tiempu.
- Amás, con una frecuencia selmanal, ha considerase nel cronograma una actividá en **llingua asturiana**.

Tolos espacios escoyíos pa l'actividá han cumplir la llexislación vixente en materia de seguridad y la referida a prevención de riesgos llaborales

Medios técnicos y humanos: los profesionales o entidaes han apurrir los medios técnicos (de los que nun disponga la sede) y humanos (cola formación que precise l'actividá) que seyan necesarios pal desenvolvimientu de l'actividá, amás de los materiales funxibles.

Los/es monitores qu'impartan el Campus han tener conocimientos de los temes que vaigan desenvolver en cada sesión, con vinculación llaboral o mercantil cola empresa axudicataria d'alcuerdu cola llegalidá vixente. La formación y esperiencia del equipu de monitores propuestu va ser un criteriu de pesu de cara a la resolución de la convocatoria. Amás, va valorase positivamente que los/es monitores tengan formación en primeros auxilios y la disponibilidad de personal especializao en NEE si se diere'l casu

Han disponer de **teléfonu móvil** de contactu tanto'l coordinador como'l/la monitor/a que más hores de trabayu desenvuelva nel centru. Nesti últimu casu (monitor que más hores desenvuelva) **ha ser un teléfonu que se pueda dar a les families de los/les participantes pa la comunicación directa tocante a incidencies o avisos en rellación a l'actividá.**

5.- PRESENTACIÓN DE SOLICITÚES. FORMA DE PRESENTACIÓN.

La solicitú ha unviase per email al corréu eventos@turismoycultura.asturias.es

Desque presentada, el/la solicitante va recibir acuse de recibu per corréu electrónicu.

La hora y fecha tope de presentación de les solicitúes va ser les **12:00 hores del día 11 de marzu del 2026.**

Información qu'ha tar recoyida nel proyectu que se presenta:

- De manera exhaustiva, pero concisa, tien que se desenvolver **el cronograma del conteníu de caúna de les sesiones** y actividaes programaes, amás de **poner un títulu** a caúna de les selmanes temátiques d'actividá, nel casu del Campus de Branu.
- Ha especificase'l **númeru máximu de participantes por grupu**, amás de la ratio **de monitor por neñu/a**. Amás, ha indicase si ye menester un númeru mínimu de participantes pa que salga alantre l'actividá.
- Ha dase información tocante a la **formación académica y esperiencia llaboral de los/es monitores** que van tar a cargu de los grupos de neños/es del Campus.
- Ha especificase'l **PVP** de l'actividá pa los asistentes, según les variables mentaes enantes. Han considerase precios xenerales y precios más beneficiosos pa los socios/es del **Club Cultura y carné escolar**.
Amás, ha ufiertase un descuentu pa los/es participantes **que compren dos o más selmanes, o cuando saquen entrada dos o más neños/es de la mesma unidá familiar** (non acumulable a otros descuentos).
- Ha especificase na propuesta el sistema escoyíu pa les comíes.
- Precísase una descripción detallada de les **necesidaes técniques** (non apurries pola entidá que participa na convocatoria)
- Descripción del sistema que se va usar pa facer llegar les semeyes del Campus a les families (qu'autorizaren previamente la toma d'imáxenes).
- Semeya/es ilustrativa/es del proyectu.

6.- VALORACIÓN DE LOS PROYECTOS Y AXUDICACIÓN

Va poder pidise a los/es interesaos/es toles aclaraciones, información o documentación complementario que seya menester pa la valoración correcta de los proyectos.

La resolución va comunicase a los interesaos/es primero del 10 d'abril del 2026 y va publicase na web de Llaboral: www.laboralciudadde lacultura.com.

Criterios de valoración. Van calificase les propuestas presentaes como "Seleccionada" y "Non seleccionaes", valorando que s'afaigan a estos criterios:

- La calidá, orixinalidá y calter novedosu del proyectu. Va tenese en consideranza'l grau d'ellaboración, detalle y concreción de la propuesta.
- La realización del mayor númeru posible d'actividaes al aire llibre.
- La inclusión nel programa d'actividaes n'otres llingües.
- La programación d'actividaes rellacionaes con tecnoloxíes nueves.
- El curiáu y fomentu especial, al traviés de les actividaes programaes, de la educación emocional, social y en valores.
- Va tenese una consideranza especial con aquelles propuestas que fomenten la igualdá y la diversidá, qu'usen un llinguaxe inclusivu, que promuevan una mayor visibilidá de la muyer, y/o que propongan discursos dende la identidá de xéneru.

- La experiencia y trayectoria de cada profesional y entidad nel desenvolvimientu d'estes actividaes, amás de la formación de los/es monitores que van atender a los grupos del campamentu.
- La ufierta d'un serviciu de madrugadores, con entrada anticipada pa los participantes qu'asina lo quieran/precisen.
- La propuesta detallada d'organización de les comíes pal públicu participante que faga usu d'esti serviciu, con atención especial a cuestiones d'hixene y salubridá nel turnu de comíes.
- L'adequación y especialización del Campus a neños/es con necesidaes especiales, si se diere'l casu.
- L'adequación del PVP al númberu de profesionales implicaos (ratio monitor/menores) y los medios técnicos y materiales funxibles que s'apurren.

Desque se valoren tolos proyectos, va publicase cuál foi l'axudicatariu.

7.- FORMALIZACIÓN DEL CONTRATU

Desque s'axudique'l proyectu a la entidad escoyida, van formalizase los contratos correspondientes (contratu LOPD y contratu d'actividá). El plazu pa la formalización d'estos contratos va ser siempre d'a lo menos 7 díes primero de la fecha en qu'empiece l'actividá. El trescurso d'esi plazu ensin que llegue a formalizase'l contratu por causes imputables al solicitante va provocar la caducidá de la solicitú, la perda de los derechos que pudieren corresponde-y y la esclusión del so proyectu.

8.- OBLIGACIONES DE LA ENTIDÁ ESCOYIDA

Nel casu de resultar escoyida la so propuesta, la empresa o persona axudicataria comprométese a

- Desenvolver el proyectu nes feches, hores y términos conveníos.
- Poner a disposición de la SPXP los materiales gráficos y audiovisuales al so algame pa facilitar la promoción y difusión del campus.
- Difundir al traviés de los sos medios información sobre l'actividá (web, redes sociales, *mailing*, etc.) y collaborar cola SPXP na atención a los medios de comunicación nel casu de que seya menester.
- Aceptar l'usu del nome del profesional, asociación y/o empresa p'acciones promocionales o de comunicación del proyectu.
- Presentar la documentación que resulte d'aplicación según la llexislación vixente en materia de seguridad llaboral y prevención de riesgos llaborales.

9. - ACEPTACIÓN DE LES BASES

La presentación d'un proyectu a esta convocatoria supón l'aceptación automática y completa d'estes bases.